

OKVIRNI SPORAZUM

o pružanju usluga servisiranja, održavanja i popravke opreme iz lota 2 – računarska oprema

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Sarajevo, Reisa Džemaludina Čauševića 6/III, kojeg zastupa predsjednik Ustavnog suda Bosne i Hercegovine, Mirsad Ćeman (u daljem tekstu: **Naručilac usluga**).

i

FIXIT d.o.o. Sarajevo, Zaima Šarca br. 34, Sarajevo, koga zastupa Mirza Čepalo, direktor (u daljem tekstu: **Davalac usluga**).

Član 1.

Predmet ovog okvirnog sporazuma je pružanje usluga servisiranja, održavanja i popravke računara, računarske i komunikacijske opreme, laptopa i servera za potrebe Naručioca usluga, prema definisanim uslovima iz tenderske dokumentacije broj SU-08-374-4/26 od 23. aprila 2026. godine i prema sadržaju Ponude broj 140526/NS002-T od 14. maja 2026. godine sa kojom je Davalac usluga učestvovao u provedenom postupku konkurentskog zahtjeva za dostavljanje ponuda i rezultatima održane e-aukcije.

Naručilac usluga zadržava pravo potpune ili djelimične realizacije nabavke usluga do ukupne planirane vrijednosti, a prema planu potreba za predmetnu nabavku.

Član 2.

Ukupna vrijednost ovog sporazuma iznosi 6.000,00 KM bez uračunatog PDV-a, odnosno 7.020.00 KM sa uračunatim PDV-om.

Cijena norma sata servisa za opremu iz člana 1. ovog okvirnog sporazuma iznosi 59.50 KM bez PDV-a odnosno 69.62 KM sa PDV-om i uključuje sve pripadajuće troškove vezane za servis, uključujući i troškove transporta. Naručilac usluga ne snosi troškove u vezi sa dolaskom servisera na lice mjesta.

U slučaju identifikacije kvara i utvrđenog rezervnog dijela koji treba zamijeniti, Davalac usluga dužan je najkasnije u roku od 72 sata dostaviti cijenu rezervnog dijela (predračun). Naručilac usluga zadržava pravo provjere cijene rezervnog dijela na tržištu (putem ispitivanja tržišta, interneta...) i prigovora na istu. Ukoliko je cijena rezervnog dijela realna tržišna cijena, Naručilac usluga će prihvatiti ponudu, a ako je značajno viša od realne tržišne cijene, Naručilac usluga zadržava pravo da sam nabavi rezervni dio, koji je Davalac usluga dužan ugraditi u skladu sa uslovima iz ovog okvirnog sporazuma i utvrđenim cijenama iz stava (2) ovog člana. Na osnovu dostavljenih predračuna zaključivat će se posebni ugovori unutar ovog okvirnog sporazuma.

Član 3.

Rokovi za odziv na poziv za intervenciju dolaskom Davaoca usluga na lice mjesta i rokovi za popravak kvarova na opremi sadržani su u tenderskoj dokumentaciji iz člana 1. ovog okvirnog sporazuma.

Član 4.

Davalac usluga se obavezuje da usluge fakturiše na osnovu radnog naloga potvrđenog od strane Naručioca usluga da je servis urađen.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana po izvršenju usluga i prijemu fakture bez primjedbi, fakturu proslijediti na plaćanje Ministarstvu finansija i trezora BiH.

Davalac usluga je saglasan da Naručiocu usluga neće zaračunavati kamate za kašnjenje prilikom plaćanja preko Trezora, ako je Naručilac usluga u ugovorenom roku predao nalog za plaćanje Trezoru BiH.

Član 5.

Davalac usluga daje garanciju na rezervne dijelove 6 do 12 mjeseci, u zavisnosti od normi proizvođača rezervnih dijelova.

Član 6.

Ovaj okvirni sporazum zaključuje se na period od 12 mjeseci odnosno do iznosa procjenjene vrijednosti navedene u članu 2. ovog okvirnog sporazuma.

Svaka od ugovornih strana može otkazati ovaj okvirni sporazum pismenim putem, uz otkazni rok od 30 (trideset) dana. Otkazni rok počinje teći od prvog dana idućeg mjeseca u odnosu na mjesec u kome je okvirni sporazum otkazan.

Član 7.

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u Bosni i Hercegovini.

Član 8.


Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 9.

Ovaj okvirni sporazum je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA DAVAOCA USLUGA

Direktor




Sarajevo
Mirza Čepalo

Broj: 256/2026

Datum, 02.06.2026

ZA NARUČIOCA USLUGA

Predsjednik


Stavnog suda Bosne i Hercegovine

Mirsad Čeman

Broj: SU-08-374-13/26

Datum, 29. maj 2026. godine